



Synfocity = 595

mail us at : mzsynfo@gmail.com; mizoramsynod@gmail.com - Phone - 2314648

21st July, 2016

☐ Choir Conductors Training vawi 21-na khar a ni ta

July 15, 2016 (Zirtawpni) khan Synod Worship Committee buatsaih "Residential Choir Conductors' Training" vawi 21-na chu Pi Zaii Hall, Synod Conference Centre, Mission Vengah kharna inkhawm neih a ni.

Training kharna inkhawm hi Rev. B. Sangthanga, Executive Secretary i/c Worship in a kaihrui a, Upa F. Lalremthanga, Worship Dept. Coordinator-in Inhmelhriattirna hun a hmang a, Mizoram Synod Choir leh NI. Ruthi V.L. Muanpuii, Dawrpui Vengthar ten Pathian fakna hla sa a, Synod Music School atangin Piano Solo ngaihthlak a ni bawk. Synod Secretary Upa H. Ronghaka'n fuihna thu sawiin Certificate a hlan a, Pu H. Lalrinmawia, Music Instructor-in Training report a pe a. Pu Lalromawia, Senior Music Instructor-in lawmthu sawina hun a hmang.

Training hi July 12, 2016 atangin khan neih tan a ni a, Pastor Bial hrang hrang (Chhiahtlang Kawn Veng, Darlung, East Phaileng, Khawhai North, Khawhai South, Kanghmun, Keitum, Kawrtethawveng, N.E. Khawdungsei, North Vanlaiphai, Phullen Vengthar, Ratu, Reiek, Sesawng, Teikhang, Tlungvel Vengthar, Thaidawr, Tawipui North II & Vairengte) atangin Kohhran tin aiawh sawm an ni a, mi 57 an tel thei a ni. Training neih chung hian Music leh a kaihnawih thil pawimawh hrang hrangte zirtir an ni.

☐ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	N.E Khawdungsei	Tui tlahlum	1	Rs. 20,000/-
2.	Tlungvel Vengthar	Thlipui tuar	1	Rs. 8,000/-
3.	Khawhnai	Thli-in huan thlai a tih chhiat	1	Rs. 2,000/-
4.	Baktawng Venghlun	Thlipui tuar	2	Rs. 14,000/-
5.	Sihphir	Damlo/Rethei	1	Rs. 8,000/-
		TOTAL		Rs. 52,000/-

☐ Zin

♦ July 22 - 25, 2016 chung hian Meitei Presbyterian Church zirchianna nei turin Rev. PC. Pachhunga, Executive Secretary leh Rev. Lianhmingthanga, Synod Secretary (Jr) te an kal ang.

♦ July 23 & 24, chung hian Ramthar Campaign nei turin Kolasib Hmar Veng Kohhranah Rev. B. Sangthanga, Executive Secretary leh Pu. H. Vanlalchhuanga, Supervisor of Schools te an kal ang.

♦ July 23 & 24, 2016 chung hian Ramthar Campaign nei turin Baktawng Venghlunah Rev. K. Lalrinmawia, Secretary, SMB leh Pu C. Kapthang, O/A te an kal ang.

☐ Campus Ministry

♦ July 15, 2016 (Zirtawpni) khan Health Worker Training Institute, Kulikawn Hmuntharah hun an hmang a. He hunah hian Rev. Lalchungnunga, Director in hun hmangin Isua ringtuten thil tha tih kawnga mawhphurhna kan neih lenzia leh Chhandamte chuan sual huatna thinlung neia nitina thil tha ti tur kan nih thu a sawi a. Tin, ringtu nih leh dân zawm chu thil kalkawp anih thu sawiin, ringtu chuan Pathian dân leh inkaihhraina a zawm tur a ni a, rinna leh thilth chu tha taka thawkhova kalkawp tur a nih thu a sawi. Sual simlo piangthar nia inngai, sual zakzeh nei chung ringtu nih chu thil hlauhawm tak a ni a ti bawk.

♦ July 22, 2016 (Zirtawpni) hian MFM Nursing School, Bawngkawn ah hun an hmang leh ang a, July 24, 2016 (Pathianni) chawhnu hian Vaivakawn Kohhran a Tleirawl Inkhawm (Youth with Christ)-ah hun an hmang leh ang a, resource person chu Dr. Laldinliana Varte a ni ang.

☐ KTP

July 23, 2016 (Inrinni) hian Bawngkawn Bethel Bial Leadership Training neih a ni dawn a, hemi hunah hian T.Upa Nguhmingliana, Asst. Leader leh T.Upa Lalrinmawia, Comt. Member te an kal ang.

☐ Finance Dept

July 22 - 25, 2016 chung hian Accounts Training nei turin Suangpuilawnah Tv. Zaihmingthanga, Accountant leh Upa P.C Vanlalrova, O/A te an kal ang.

☐ MSSU

♦ July 22 - 25, 2016 chung hian Mamit Field Veng Kohhranah Sunday School Zirtirtu Training neih a ni dawn a, hemi hunah hian T.Upa Lalrosanga Kawlni, O/A leh Pu Lalthanchhunga, Bungkawn (MSSU Trainer) te an kal ang.

♦ July 22 - 25, 2016 chung hian Kawrthah Bialah Sunday School Zirtirtu Training neih a ni dawn a, hemi hunah hian Upa K. Zoremsanga, Kulikawn (MSSU Trainer) leh T.Upa F. Lalenghluna, Ramhlun Vengthar (MSSU Trainer) te an kal ang.

☐ Hruaina Eng FM Radio & TV Programme

♦ **JULY 22, 2016 (FM ZOAWI AIZAWL @ 7:30 P.M.):**

Zaipawl : Sihphir Pastor Bial Zaipawl - Min hruai zel ang che, **Solo :** Lalrinhlui - A hmangaihna fakin i zai ang, **Thusawi :** Dr. Babie Zirnunsangi - Cancer Chungchang, **Solo :** Lalchanchhuaha - Ka lo kir e, **Zaipawl :** Khatla Pastor Bial Zaipawl - Kan ram tidam leh rawh

♦ **JULY 22, 2016 (FM LUNGLEI @ 7:30 P.M.):**

Zaipawl : Sihphir Pastor Bial Zaipawl - Min hruai zel ang che, **Solo :** Lalrinhlui - A hmangaihna fakin i zai ang, **Thusawi :** Dr. Babie Zirnunsangi - Cancer Chungchang, **Solo :** Lalchanchhuaha - Ka lo kir e, **Zaipawl :** Khatla Pastor Bial Zaipawl - Kan ram tidam leh rawh

♦ **JULY 24, 2016 (Tv Programme) @ 3:00 p.m) :**

Sermon : Upa L.H. Rohmingliana - Lal Isua Zui, **Weekly Round Up, Bihchianna :** Mizoram Synod Choir (2016 - 2018)

□ **Susamachar Prasaran Programme**

♦ **JULY 24, 2016 (Pathianni) 5:00 pm.**

Group/Choir/Solo : Chhinga Vengthlang - Kalvari me prabhu, **Group/Choir/Solo** : Aizawl South West - Rabba Ki Howe Sana, **Sermon** : Rev Laltharzuala - Sansar se Prem na karo, **Group/Choir/Solo** : Tetei - Anugrahkari, **Group/Choir/Solo** : Amar Chhetri - Jaana Hai Hamko

HNARUAK DIL THEIH

A hnuacia tarlan ang hian Synod Hospital, Durtlang leh John Williams Hospital, Lungleiah hnaruak a awm a, kum 18-35 inkar tan dil theih a ni. Diltu chuan Kohhran lehkhah leh thiamna Certificate thil telin a hnuacia hming ziak hnenah hian ziaka thehluh tur a ni e. Hlawh chu Synod Pay Scale zui a ni ang.

Dil theih hun chungung : **August 18, 2016 (Ningani) Dar 5:00 p.m. thleng Interview** : **August 24, 2016 (Nilaini); Dar 10:30 a.m.**

	Hna hming	Post ruak zat	Qualification
1.	Doctor (Specialist) (Regular Post)	2	(1) M.D. (General Medicine) (Any recognised University) (2) M.S. (General Surgeon) -do- (3) M.D/Diploma (Radiologist) -do-
2.	Medical Officer (Regular Post)	2	MBBS (Any recognised University)
3.	Staff Nurse (Contract Basis) for John Williams Hospital	4	GNM/B.Sc. Nursing (Any recognised University)
<i>(Staff Nurse tan Standard Application Form Synod Office atangin lakchhuah tur a ni a. Chutah chuan hriat tur pawimawh dah tel a ni).</i>			

Sd/-
Rev. Lalramliana Pachuau
Secretary
Synod Service Board
Mizoram Presbyterian Church Synod

SYNFO-IN 'PRAISE ON' TV SHOW BUATSAIH DAWN

Synod Information and Publicity Department (Synfo) leh Inkspot Digiprint Solutions tangkawpin zaia rawngbawlna kawnga hmasawna atan leh kohhran programme hrang thlung taka Pathian faka zai thei an lo pun zel theih nan Branch KTP Solo intihsiakna "Praise On" TV show, Mizoram pum huap a buatsaih dawn.

He show a tel tumte tana hriattur tul te :

1. Presbyterian Kohhran, KTP member, mahni puala Audio Album leh Music Video Album la siam lo te tel theih a ni ang. Music Video pahnih khat lo siam tawh emaw, Audio Album a hla hnikkhat lo sa tawh te chu tel theih a ni e.
2. KTP Branch tinin an Branch chungna mi zaithiam, Pathian fak duh mi, an Branch aiawh tur an ruat ang a, a zat chu Branch thu thu a ni ang. Branch ruat ni lo chu mimala tel a rem lovang.
3. Audition Round hi zone hrang hrangah neih tura ruahman a ni a, Round dang zawng hi chu Aizawlah vek tih tur a ni ang.
4. Audition Round ah hian Branch hrang hrang te anmahni remchanna berah an tel thei ang a, Branch tinin an Branch aiawha tel turte chu Audition Round an tel duhna Thlengtu Branch hnenah July 30, 2016 thleng hming pek luh theih a ni.
5. Branch-in an aiawh turte hi form siam sa angin Thlengtu Branch-ah an theh lut ang. (Form hi Website, FB leh Whatsapp Group hrang hrangah en theihin dah a ni e).

6. Zone	Audition neih hun	Thlengtu Branch
1. Lunglei	Aug.12, 2016	Lunglei Chanmari Branch
2. Serchhip	Aug.16, 2016	Serchhip Kawnpui Branch
3. Champhai	Aug.12, 2016	Champhai Vengthlang Branch
4. Kolasib	Aug.16, 2016	Kolasib Diakkawn Branch
5. Mamit	Aug.16, 2016	Mamit Branch
6. Aizawl	Aug.19-20, 2016	Mission Veng Branch

Aizawl Zone-a tel tur te tan chuan Misison Veng Kohhran Office-ah leh The Answer dawr (Near Fraser Clinic), Mission Vengah Registration Form thehluh theih a ni.

7. Audition Round-ah hian Mizo hla, an duh ber sak tur a ni ang a, thunawn nei anih chuan chang 2 leh a thunawn sak tur a ni ang a, thunawn nei lo anih chuan chang 3 thleng sak tur a ni ang a, Zai rem nan hian Acoustic Guitar 1 hman theih a ni ang.
8. He show a tel tur hian Central KTP hriatpuinain Mizoram chungung KTP Branch hrang hrangah sawmna thawnchhuah tawh a ni a, engngemaw vanga lehkhah hmuh loh palh awm thei anih avangin hei hi hriattina angah ngai turin Branch finte ngen kan ni e.

REV. B. SANGTHANGA
Executive Secretary i/c Synfo